



Ketouvim (hagiographes) - Job

Chapter 11

11,1	ויען, צפר הנעמתי; ויאמר.
11,2	הרב דברים, לא יענה; ואם-איש שפתיים יצדק.
11,3	בדין, מתים יסרישו; ותלעג, ואין מכלם.
11,4	ותאמר, זך לקחי; ובר, הייתי בעיניך.
11,5	ואולם--מי יתן אלוה דבר; ויפתח שפתי עמך.
11,6	וגד-לך, תעלמות חכמה-- כי-כפלים לתושיה; ודע-- כי-ישה לך אלוה, מעונך.
11,7	החקר אלוה תמצא; אם עד-תכלית שדי תמצא.
11,8	גבהי שמים, מה-תפעל; עמקה משאול, מה-תדע.
11,9	ארכה מארץ מדה; ורחבה, מניים.
11,10	אם-יחלף ויסגיר; ויקהיל, זמי ושיבנו.
11,11	כי-הוא, ידע מתי-שוא; וירא-און, ולא יתבונן.
11,12	ואיש גבוב, ילבב; ועיר פרא, אדם ילד.
11,13	אם-אתה, הכינות לבך; ופרשת אליו כפיך.
11,14	אם-און בידך, הרחיקהו; ואל-תשכן באהליו עולה.
11,15	כי-אז, תשא פניך ממום; והיית מצק, ולא תירא.
11,16	כי-אתה, עמל תשכח; כמים עברו תזכר.
11,17	ומצהרים, יקום חלד; תעפה, כבקר תהיה.
11,18	ובטחת, כי-יש תקוה; וספרת, לבטח תשכב.
11,19	ורבצת, ואין מסריד; וחלו פניך רבים.
11,20	ועיני רשעים, תכלינה; ומנוס, אבד מגהם; ותקוהם, מפח-גפוש.